

Adoption Assistance (Kev Pab Rau Kev Txais Me Nyuam Los Tu): Kev Thov Them Tus Nqi Rov Qab Ib Lub Sij Hawm

ADOPTION ASSISTANCE: ONE-TIME EXPENSE REIMBURSEMENT



Adoption Assistance (Kev Pab Rau Kev Txais Me Nyuam Los Tu) (AA)

Adoption assistance (Kev pab rau kev txais me nyuam los tu) (AA) yog ib qho kev txhawb nqa rau cov me nyuam uas tau txais kev coj los tu thiab lawv tsev neeg. AA muab Medicaid Txhawb Nqa Muab Kev Saib Xyuas thiab lub hwm tsam hauv kev los thov cov nyiaj them rov qab uas cuam txuam txog kev txais me nyuam los tu siab txog li \$2,000 ib lub sij lawm. Qee tus me nyuam yaus AA kuj tseem suav nrog cov nyiaj pab txhua hli thiab.

AA yog tsim los ntawm kev pom zoo ntawm Department of Children and Families (Lub Tuam Tsev Hauj Lwm ntsig txog Me Nyuam thiab Tsev Neeg) (DCF) hauv Wisconsin thiab cov niam qhuav txiv qhuav. Yuav tsum ua daim ntawv cog lus AA ua ntej kev txiav txim txais me nyuam mus tu. Feem ntau lawm AA yuav siv tau txog thaum tus me nyuam muaj hnuv nyoog 18 xyoo los sis kawm tiav tsev kawm them siab, tshwj tsis yog muaj lwm yam xwm txheej tshwm sim.

Yog xav paub ntau ntxiv hais txog AA, mus saib hauv [Adoption Assistance \(Kev Pab Rau Kev Txais Me Nyuam Los Tu\): Cov Ntaub Ntawv Feem Dav \(DCF-P-PSF0105\)](#).

Adoption Assistance (Kev Pab Rau Kev Txais Me Nyuam Los Tu) Kev Them Nyiaj Rov Qab Rau Tej Nuj Nqis Uas Ua Ib Teg Them Tag Nrho

Txhua tsev neeg uas muaj Daim Ntawv Cog Lus Adoption Assistance (Kev Pab Rau Kev Txais Me Nyuam Los Tu) (AA) uas kos npe rau lawm yuav thov tau kev them nyiaj rov qab uas ua ib teg them tag nrho txog cov nuj nqis uas cuam tshuam txog kev tu me nyuam. Yog tias tau txias kev pom zoo lawm, DCF yuav them nyiaj rov qab rau (cov) tus niam thiab txiv uas coj me nyuam los tu siab txog \$2,000 toj ib tug me nyuam rau cov nqi uas tsim nyog thiab tseem ceeb yuav sau ntsiab lus xaus txog kev coj tus me nyuam los tu.

Cov Nuj Nqis Uas Tsim Nyog thiab Tseem Ceeb

Cov nuj nqis uas tsim nyog rau kev them rov qab yuav tsum yog qhov tsim nyog thiab tseem ceeb kom ua tau qhov kev coj me nyuam los tu ntawd. Yog hais tias tsim nyog, yuav them rov qab cov nuj nqis ncuab deb ntawm kev khiav tsheb thiab puas mov ntawm tus nqi hauv lub xeev uas tau siv los rau ntawm lub sij hawm uas yuav ntawd. Tej zaum DCF yuav thov ntaub ntawv lwm yam ntxiv txhawm rau los txheeb qhia qhov tseeb tias (cov) qhov nuj nqis yeej tsim nyog thiab tseem ceeb rau kev coj me nyuam los tu lawm tiag.

Yuav tuaj yeem them rov qab tau

Cov nuj nqis hauv qab no yuav them rov qab tau yog tias lawv tsim nyog thiab tseem ceeb yuav ua kom tau qhov kev coj me nyuam los tu tiav hlo thiab ua tau raws li lwm cov cai tag nrho.

- Cov nqi ntawm lub chaw ua hauj lwm saib xyuas kev coj me nyuam los tu
- Cov nqi ntawm tus kws lij choj uas cuam tshuam txog kev coj me nyuam los tu
- Cov nqi txog (cov) daim ntawv pov thawj hnuv yug
- Cov nqi ntawm lub tsev hais plaub
- Cov nqi ncuab deb ntawm kev khiav tsheb thiab puas mov
 - Qhov no suav nrog kev them nyiaj rov qab txog ncuab deb ntawm kev khiav tsheb thiab/los sis tus nqi caij tsheb npav. Yuav them rov qab cov nuj nqis txog ncuab deb ntawm kev khiav tsheb thiab puas mov ntawm tus nqi hauv lub xeev.
- Cov nuj nqis ntawm chaw pw
 - Qhov no suav muaj kev xauj chav pw ib chav nkaus xwb. Cov chav pw los sis cov kev pab cuam dab tsi ntxiv twg (xws li cov kev xauj yeeb yaj kiab, kev pab cuam tuaj rau ntawm chav pw, lwm yam ntxiv) tsis tuaj yeem yuav them tau rov qab.
- Cov kev kuaj mob rau tsev neeg uas coj me nyuam los tu (yog tias yuav tsum tau muaj rau kev coj me nyuam los tu)
- Cov nuj nqis kev cob qhia uas cuam tshuam txog kev coj me nyuam los tu
 - Qhov no suav nrog rooj cob qhia los sis cov nqi kev rau npe hauv lav xuj kev kawm ntawv, cov phau ntawv rau kev xyaum ua kom txawj, thiab cov ncuab deb ntawm kev khiav tsheb.
- Cov nuj nqis ntau yam uas tau thov los ntawm tus kws txawj ua hauj lwm fab kev coj me nyuam los tu

Hais txog cov ntaub ntawv qhia paub ntau ntav uas cuam tshuam txog cov nquj nqis uas yuav them rov qab tau, mus saib hauv [Kev Thov txog Kev Them Nyiaj Rov Qab Uas Ua Ib Teg Them Tag Nrho rau Cov Nuj Nqis Cuam Tshuam Txog Kev Coj Me Nyuam Los Tu rau Cov Neeg Tau Txais Adoption Assistance \(Kev Pab Rau Kev Txais Me Nyuam Los Tu\) \(DCF-F-CFS0459\)](#).

Tsis Tuaj Yeem Yuav Them Rov Qab Tau

Cov nuj nqis hauv qab no yog qhov uas tsis tuaj yeem them rov qab tau.

- Cov nqi kev taug kev rau cov neeg txheeb ze, cov phooj ywg, thiab cov kwv tij nus muag (tshwj tsis yog tias tau txais kev qhia tias yog yuav tsum tau muaj rau kev coj me nyuam los tu)
- Dej caw los sis cov dej haus uas cuam tshuam txog dej caw
- Cov nqi kws lij choj rau kev tso phiaj xwm kev npaj txog av vaj tsev
- Kev rov kho lub qauv tsev dua, tej rooj tog, los sis cov kev kho
- Cov nuj nqis fab kev kho mob, uas tsis yog cov kev kuaj mob uas yuav tsum tau muaj
- Cov nuj nqis kev kho mob rau tsiaj
- Cov khoom poob los sis raug nyiaj
- Cov kev tsub nqi rau kev tso tseg los sis cov kev tsub nqi rau kev tawm ntawm tsev so lig
- Kev poob cov nqi zog vim yog muaj cov kev cog lus cuam tshuam txog kev coj me nyuam los tu
- Cov ntawv theej ntawm (cov) tus niam thiab txiv uas coj me nyuam los tu (cov) daim ntawv pov thawj hnuv yug los sis daim ntawv tso cai kev sib yuav
- Leej niam uas yug tus me nyuam cov nuj nqis kho mob los sis cov nuj nqis kev taug kev
- Cov nuj nqis ntiag tug xws li cov khoom ua si, cov kev mus phav dim, kev lom zem, kev yeas duab, lwm yam ntav.
- Cov nqi kev zov me nyuam yaus

Kev Thov rau Kev Them Nyiaj Rov Qab Rau Tej Nuj Nqis Uas Ua Ib Teg Them Tag Nrho

Cov Cai los Thov rau Kev Thov rau Kev Them Nyiaj Rov Qab Rau Tej Nuj Nqis Uas Ua Ib Teg Them Tag Nrho

Txhawm rau thov kev them nyiaj rov qab uas ua ib teg them tag nrho ntawm cov nuj nqis uas cuam tshuam txog kev coj me nyuam los tu, yuav tsum tau xa daim ntawv kev thov thiab cov ntaub ntawv txhawb nqa twg tuaj mus rau DCF tom qab sau ntsiab lus xaus txog kev coj me nyuam los tu lawm, tab sis tsis pub dhau ob lub xyoos txij hnuv kev sau ntsiab lus xaus txog kev coj me nyuam los tu. Txhawm rau kom tau txais kev them nyiaj rov qab rau cov nuj nqis uas cuam tshuam txog kev coj me nyuam los tu, **txhua yam yuav tsum siv tau:**

- Tus nqi yuav tsum **cuam tshuam rau kev coj me nyuam los tu yam raug kev cai** ntawm tus me nyuam ntawd.
- Tus nqi yuav tsum yog **qhov tsim nyog thiab tseem ceeb kom ua tau qhov kev coj** me nyuam los tu ntawd.
- Cov nqi **tsis tuaj yeem yuav tau txais kev them rov qab los ntawm lwm cov chaw.**
- Tus nqi **yuav tsis tuaj yeem yog kev ua txhaum lub xeev los sis tsoom fwv tsab kev cai lij choj twg li.**

Txoj hau kev los Thov rau Kev Thov rau Kev Them Nyiaj Rov Qab Rau Tej Nuj Nqis Uas Ua Ib Teg Them Tag Nrho

(Cov)Tus niam thiab txiv uas coj me nyuam los tu yuav thov rau kev them nyiaj rov qab uas ua tib teg them tag nrho ntawm cov nuj nqis uas cuam tshuam txog kev coj me nyuam los tu los ntawm kev sau kom tiav daim [Ntawv Thov rau Kev Them Nyiaj Rov Qab Uas Ua Ib Teg Them Tag Nrho rau Cov Nuj Nqis Cuam Tshuam Txog Kev Coj Me Nyuam Los tu rau Cov Neeg Tau Txais Adoption Assistance \(Kev Pab Rau Kev Txais Me Nyuam Los Tu\) \(DCF-F-CFS0459\)](#). Lub chaw hauj lwm saib xyuas kev coj me nyuam los tu yuav muab ib daim ntawv theej ntawm daim foos no; nws kuj tuaj yeem tau txais kev ntsuam xyuas hauv oos lais ntawm dcf.wi.gov/adoption/assistance. Tus kws txawj ua hauj lwm fab kev coj me nyuam los tu yuav pab (cov) tus niam thiab txiv uas coj me nyuam los tu txhawm rau los sau daim foos no kom tiav.

Xa **tag nrho** ntawm cov hauv qab no mus rau DCF Lub Khoos Kas Adoption Assistance (Kev Pab Rau Kev Txais Me Nyuam Los Tu):

- Daim foos [Ntawv Thov rau Kev Them Nyiaj Rov Qab Uas Ua Tib Teg Them Tag Nrho rau Cov Nuj Nqis Uas Cuam Tshuam Txog Kev Coj Me Nyuam Los Tu txhij txhua rau Cov Neeg Tau Txais Adoption Assistance \(Kev Pab Rau Kev Txais Me Nyuam Los Tu\) \(DCF-F-CFS0459\)](#) thiab
- Tag nrho (cov) daim ntawv txhawb nqa uas tau thov tuaj, suav nrog daim ntawv xub thawj uas siv tau, cov ntawv them nyiaj los sis cov ntawv sau nqi uas sau ua nqe lus los.

Daim foos sau tiav hlo thiab (cov) daim ntawv txhawb nga tuaj yeem muab xa raws email mus rau DCFAdoptionAssistance@wi.gov los sis muab xa raws kev xa ntawv mus rau:

Adoption Assistance Program
DCF/DSP/BPOHC
P.O. Box 8916
Madison, WI 53708-8916

Kev Tau Txais Kev Them Nyiaj Rov Qab

Thaum DCF tau txais daim foos uas sau tiav txhij thiab tag nrho (cov) daim ntawv txhawb nga lawm, daim ntawv thov yuav tau txais kev tshab xyuas thiab yuav ua kom tiav kev txiav txim siab txog kev them nyiaj rov qab tsis pub dhau 8 lub lim tiam. Thaum tau txais kev pom zoo lawm, qhov nyiaj uas yuav them rov qab tau (siab txog \$2,000 toj ib tug me nyuam) yuav muab xa mus rau (cov) tus niam thiab txiv uas koj me nyuam los tu hauv daim nyiaj tshev los sis muab tso ncaj qha mus rau hauv tuam txhab tso nyiaj.

Yuav muab daim nyiaj tshev xa raws kev xa ntawv mus rau qhov chaw nyob tam sim no hauv cov ntaub ntawv rau (cov) tus niam thiab txiv uas koj me nyuam los tu. Txhawm rau hloov kho tshab qhov chaw nyob no, teeb kev tso nyiaj nkag tuam txhab nyiaj txiag ncaj qha, los sis hloov kho cov ntaub ntawv qhia paub txog kev tso nyiaj ncaj qha rau tuam txhab nyiaj txiag, hu rau (866) 666-532, xaiv 1.

Thov nco ntsoov hais tias yuav them tau qhov nyiaj them rov qab rau tej nuj nqis rau (cov) tus niam thiab txiv uas koj me nyuam los tu nkaus xwb thiab yuav them tsis tau ncaj qha mus rau (cov) tus kws muab kev pab cuam twg li.

Yog xav paub ntau ntxiv, muaj cov lus nug los sis xav thov rau kev them nyiaj rov qab uas ua tib teg them tag nrho ntawm cov nuj nqis uas cuam tshuam txog kev koj me nyuam los tu, tiv tauj mus rau Wisconsin Department of Children and Families (Lub Tuam Tsev Hauj Lwm ntsig txog Me Nyuam thiab Tsev Neeg), Lub Khoos Kas Adoption Assistance (Kev Pab Rau Kev Txais Me Nyuam Los Tu).

Tus Email:
DCFAdoptionAssistance@wi.gov
Xov tooj: (866) 666-5532, xaiv 1

Department of Children and Families (Lub Tuam Tsev Hauj Lwm ntsig txog Me Nyuam thiab Tsev Neeg) yog ib lub chaw hauj lwm thiab chaw muab kev pab uas muaj vaj huam sib luag. Yog tias koj muaj kev xiam oob qhab thiab xav tau kev pab cuam, txais cov ntaub ntawv ua lwm hom ntawv, los sis xav tau cov ntaub ntawv muab txhais ua lwm hom lus, ces thov hu rau Division of Safety and Permanence (Feem Hauj Lwm Tswj Xyuas Kev Nyab Xeeb thiab Chaw Nyob Ruaj) ntawm (608) 266-8787. Cov tib neeg uas lag ntseg, tsis hnov lus zoo, lag ntseg dig muag los sis hais tsis tau lus yuav siv tau Wisconsin Relay Service (Kev Pab Txuas Lus) (WRS) – 711 mus cuag lub chaw hauj lwm.